

RHAN 4.2 - Rheolau Gweithdrefn Mynediad at Wybodaeth

1. CWMPAS

Mae'r rheolau hyn yn berthnasol i holl gyfarfodydd y Cyngor, y Cabinet, y Pwyllgor Safonau a'r holl bwyllgorau eraill.

2. HAWLIAU YCHWANEGOL I WYBODAETH

Nid yw'r rheolau hyn yn effeithio ar unrhyw hawliau mwy penodol i wybodaeth a geir mewn man arall yn y Cyfansoddiad hwn neu o dan y gyfraith.

3. HAWLIAU I FYNYCHU CYFARFODYDD

Gall aelodau'r cyhoedd fynychu'r cyfarfodydd i gyd yn ddarostyngedig i'r eithriadau yn y rheolau hyn yn unig.

4. RHYBUDDION AM GYFARFOD

Bydd y Cyngor yn rhoi o leiaf dri diwrnod clir o rybudd am unrhyw gyfarfod drwy bostio manylion am y cyfarfod yn Neuadd y Sir, Caerfyrddin ac ar wefan y Cyngor. Fodd bynnag, bydd eithriad yn codi os bydd y Cyngor wedi derbyn cais gan yr Heddlu o dan adran 53A o Ddeddf Trwyddedu 2003 am adolygu trwydded safle ar frys (bydd gofyn bod y Cyngor yn penderfynu a ddylid cymryd unrhyw fesurau rhagarweiniol o fewn 48 awr i dderbyn y cais), pryd y gall y Cyngor roi llai na 3 diwrnod clir o rybudd am gyfarfod y Pwyllgor Trwyddedu a gynullir i ystyried y cais.

5. MYNEDIAD AT AGENDA AC ADRODDIADAU CYN Y CYFARFOD

Bydd y Cyngor yn sicrhau bod copïau o'r agenda a'r adroddiadau sydd ar agor i'r cyhoedd ar gael i'w harchwilio ar wefan yr Awdurdod yn y swyddfa ddynodedig o leiaf dri diwrnod clir cyn y cyfarfod. Os ychwanegir eitem at yr agenda yn ddiweddarach, bydd yr agenda ddiwygiedig (lle paratwir adroddiadau ar ôl i'r wŷs gael ei hanfon allan, bydd y Prif Weithredwr yn sicrhau bod pob adroddiad o'r fath ar gael i'r cyhoedd cyn gynted ag y bo'r adroddiad wedi ei gwblhau ac wedi'i anfon at y Cyngorwyr) ar gael i'w harchwilio erbyn adeg ychwanegu'r eitem at yr agenda.

6. MYNEDIAD AT AGENDA AC ADRODDIADAU

Bydd y Prif Weithredwr yn sicrhau bod copïau papur ar gael i'r cyhoedd eu harchwilio yn Neuadd y Sir, Caerfyrddin, am gyfnod o un mis wedi dyddiad y cyfarfod. Fel arall, gellir gweld manylion ar wefan y Cyngor.

7. MYNEDIAD AT GOFNODION AC ATI AR ÔL Y CYFARFOD

Bydd y Cyngor yn sicrhau bod copïau o'r canlynol ar gael i'w gweld ar ei wefan am gyfnod o chwe blynedd ar ôl cyfarfod:-

- (a) cofnodion y cyfarfod neu gofnod o benderfyniadau a gymerwyd gan y Cabinet, ac eithrio unrhyw ran o gofnodion trafodion pan nad oedd y cyfarfod ar agor i'r cyhoedd oherwydd bod gwybodaeth eithriedig neu gyfrinachol yn cael ei hystyried;
- (b) crynodeb o unrhyw drafodion nad oeddynt ar agor i'r cyhoedd lle na fyddai'r cofnodion a fyddai'n agored i'w harchwilio yn rhoi cofnod rhesymol o deg a threfnus;
- (c) agenda'r cyfarfod; a
- (d) adroddiadau yn ymwneud ag eitemau pan oedd y cyfarfod ar agor i'r cyhoedd.

8. PAPURAU CEFNDIR

8.1 Rhestr o Bapurau Cefndir

Bydd y Prif Weithredwr yn cyflwyno ym mhob adroddiad restr o'r dogfennau hynny (a elwir yn bapurau cefndir) sy'n ymwneud â thestun yr adroddiad sydd yn ei farn ef/barn hi:-

- (a) yn datgelu unrhyw ffeithiau neu faterion y seilir yr adroddiad neu ran bwysig o'r adroddiad arnynt; a
- (b) yn rhai y dibynnwyd arnynt yn sylweddol wrth baratoi'r adroddiad ond heb gynnwys gweithiau a gyhoeddwyd na rhai sy'n datgelu gwybodaeth eithriedig neu gyfrinachol (fel y diffiniwyd yn Rheol 10).

8.2 Archwilio Papurau Cefndir gan y Cyhoedd

Bydd y Cyngor yn sicrhau bod un copi o bob un o'r dogfennau ar y rhestr o bapurau cefndir ar gael i'r cyhoedd eu harchwilio am bedair blynedd ar ôl dyddiad y cyfarfod.

9. CRYNODEB O HAWLIAU'R CYHOEDD

Mae'r rheolau hyn yn grynodeb ysgrifenedig o hawliau'r cyhoedd i fynychu cyfarfodydd ac i archwilio a chopio dogfennau fel sy'n ofynnol gan Adrannau 100 A – H ac atodlen 12A o Ddeddf Llywodraeth Leol 1972.

Bydd copïau ar gael i'w harchwilio gan y cyhoedd yn Neuadd y Sir, Caerfyrddin, ac ar wefan yr Awdurdod.

10. GWAHARDD MYNEDIAD GAN Y CYHOEDD I GYFARFODYDD

10.1 Cyfarfodydd Cyhoeddus a Phreifat o'r Cabinet

Gall y Cabinet wneud penderfyniadau mewn perthynas â'i swyddogaethau a chynnal busnes ffurfiol mewn cyfarfod wedi ei ffurfio'n briodol sy'n cydymffurfio ag Erthygl 12 a'r rheolau gweithdrefn hyn yn unig. Nid yw hynny'n atal y Cabinet rhag cynnal trafodaethau anffurfiol yn breifat, gyda neu heb swyddogion yn bresennol, ond ni fydd y cyfarfodydd hynny'n gwneud penderfyniadau.

10.2 Gwybodaeth Gyfrinachol – Gofyniad i Wahardd y Cyhoedd

Rhaid i'r cyhoedd gael eu gwahardd o gyfarfodydd pryd bynnag y bo'n debygol, oherwydd natur y busnes i'w drafod neu natur y trafodion, y byddai gwybodaeth gyfrinachol yn cael ei datgelu.

10.3 Gwybodaeth Eithriedig – Hawl i Wahardd y Cyhoedd

Gall y cyhoedd gael eu gwahardd o gyfarfodydd pryd bynnag y bo'n debygol, oherwydd natur y busnes i'w drafod neu natur y trafodion, y byddai gwybodaeth eithriedig yn cael ei datgelu.

Lle bydd y cyfarfod yn penderfynu ar hawliau neu rwymedigaethau sifil unrhyw un, neu yn effeithio'n andwyol ar eu meddiannau, mae Erthygl 6 o Ddeddf Hawliau Dynol 1998 yn sefydlu rhagdybiaeth y cynhelir y cyfarfod yn gyhoeddus oni bai fod gwrandawriad preifat yn angenrheidiol am un o'r rhesymau a nodwyd yn Erthygl 6.

10.4 Ystyr Gwybodaeth Gyfrinachol

Mae gwybodaeth gyfrinachol yn golygu gwybodaeth a roddir i'r Cyngor gan Adran o'r Llywodraeth ar delerau sy'n gwahardd ei datgelu'n gyhoeddus neu wybodaeth na ellir ei datgelu'n gyhoeddus drwy Orchymyn Llys.

10.5 Ystyr Gwybodaeth Eithriedig

Gwybodaeth sydd wedi'i chwmpasu ym mharagraffau 12 i 18 o Ran 4 o Atodlen 12A i Ddeddf Llywodraeth Leol 1972, yn ddarostyngedig i'r amodau cymhwyso a dadansoddi a nodir yn Rhannau 5 a 6 o'r Atodlen, y ceir crynodeb ohonynt isod:-

CATEGORI O WYBODAETH EITHRIEDIG	CYMHWYSTER
12. Gwybodaeth am unigolyn penodol	Bydd Prawf Budd y Cyhoedd yn berthnasol (gweler isod).
13. Gwybodaeth sy'n debygol o ddatgelu pwy yw unigolyn.	Bydd Prawf Budd y Cyhoedd yn berthnasol (gweler isod).
14. Gwybodaeth am faterion ariannol neu fusnes unrhyw unigolyn penodol (gan gynnwys yr Awdurdod sy'n dal y wybodaeth honno).	Nid yw gwybodaeth sy'n dod o dan Baragraff 14 yn wybodaeth eithriedig yn rhinwedd y paragraff hwnnw os bydd angen ei gofrestru o dan y canlynol:- Deddf Cwmnïau 1985; Deddf Cymdeithasau Llesiant 1974; Deddf Cymdeithasau Llesiant 1992; Deddfau Cymdeithasau Adeiladu 1986; neu Ddeddf Elusennau 1993. Bydd Prawf Budd y Cyhoedd yn berthnasol (gweler isod).

CATEGORI O WYBODAETH EITHRIEDIG	CYMHWYSTER
15. Gwybodaeth am unrhyw ymgynghoriadau neu drafodaethau, neu ymgynghoriadau neu drafodaethau bwriadedig, o ran unrhyw fater cysylltiadau llafur sy'n codi rhwng yr Awdurdod neu Weinidog y Goron a gweithwyr neu ddeiliaid swyddi o dan yr Awdurdod.	Bydd Prawf Budd y Cyhoedd yn berthnasol (gweler isod).
16. Gwybodaeth y gelli honni braint gyfreithiol broffesiynol mewn perthynas â hi mewn achos llys cyfreithiol.	(Dim Prawf Budd y Cyhoedd).
17. Gwybodaeth sy'n datgelu bod yr Awdurdod yn bwriadu:- (a) rhoi dan unrhyw ddeddfiad rybudd y gosodir gofynion ar berson odano neu yn ei sgil; neu (b) gwneud gorchymyn neu gyfarwyddyd o dan unrhyw ddeddfiad.	Bydd Prawf budd y cyhoedd yn berthnasol (gweler isod)
18. Gwybodaeth am unrhyw gamau a gymerwyd neu sydd i'w cymryd mewn perthynas ag atal, ymchwilio i drosedd neu erlyn yng nghyswllt trosedd.	Bydd Prawf Budd y Cyhoedd yn berthnasol (gweler isod).
(Mewn perthynas â chyfarfod o Bwyllgor Safonau, neu Is-Bwyllgor Pwyllgor Safonau, a gaiff ei alw i ystyried mater y cyfeiriwyd ato dan ddarpariaethau adran 70(4) neu (5) neu 71(2) o Ddeddf Llywodraeth Leol 2000): 18A Gwybodaeth y mae unrhyw rwymedigaeth i'w chadw'n gyfrinachol. 18B Gwybodaeth sy'n ymwneud mewn unrhyw ffordd â materion diogeled cenedlaethol. 18C Trafodaethau Pwyllgor Safonau neu Is-Bwyllgor Pwyllgor Safonau a sefydlwyd dan ddarpariaethau Rhan 3 o Ddeddf Llywodraeth Leol 2000 wrth ddod i gasgliad ynghylch mater a gyfeiriwyd ato.	Bydd Prawf Budd y Cyhoedd yn berthnasol (gweler isod).
	Nid yw gwybodaeth yn eithriedig os yw'n ymwneud â datblygiad arfaethedig y gall yr Awdurdod Cynllunio Lleol roi caniatâd cynllunio iddo ei hun ar ei gyfer o dan Rheoliad 3 o Reoliadau Cyffredinol Cynllunio Gwlad a Thref 1992.

Prawf Budd y Cyhoedd

Mae gwybodaeth sydd:-

- (a) yn disgyn o fewn unrhyw baragraffau o blith 12 i 15, 17 ac 18 uchod
- (b) heb gael ei hatal rhag bod yn eithriedig yn unol â'r amodau cymhwyso uchod

Yn eithriedig os yw'r budd i'r cyhoedd o gynnal yr eithriad yn bwysicach na'r budd i'r cyhoedd o ddatgelu'r wybodaeth, a chyhyd â bod hynny'n wir am holl amgylchiadau'r achos.

DEHONGLIAD: CYMRU

(1) Yn Rhannau 4 a 5 a'r Rhan hon o'r Atodlen hon:-

Ystyr "gweithiwr" yw person a gyflogir o dan contract gwasanaeth;

Mae "materion ariannol neu fusnes" yn cynnwys gweithgareddau bwriadedig, yn ogystal â gweithgareddau'r gorffennol neu'r presennol;

Ystyr "mater cysylltiadau llafur" yw:-

- (a) unrhyw fater a nodwyd ym mharagraffau (a) i (g) o adran 218(1) o Ddeddf Undebau Llafur a Chysylltiadau Llafur (Atgyfnerthu) 1992 (materion a all fod yn destun anghydfod undebol, o fewn ystyr y Ddeddf honno); neu
- (b) unrhyw anghydfod am fater sy'n dod o fewn paragraff (a) uchod;

ac at ddibenion y diffiniad hwn bydd y deddfiadau y sonnir amdanynt ym mharagraff (a) uchod, ynghyd â'r newidiadau angenrheidiol, yn berthnasol i ddeiliaid swydd o dan yr awdurdod yn yr un modd ag y maent yn berthnasol i weithwyr yr awdurdod;

Ystyr "deiliad swydd", mewn perthynas â'r awdurdod, yw deiliad unrhyw benodiadau swydd â thâl a gaiff neu y gellir eu cadarnhau gan yr awdurdod neu gan unrhyw fwrdd ar y cyd y mae gan yr awdurdod gynrychiolaeth arno neu gan unrhyw berson sy'n dal unrhyw swydd o'r fath neu sy'n weithiwr yr awdurdod; Ystyr "cofrestredig" mewn perthynas â gwybodaeth y mae'n rhaid ei chofrestru o dan Ddeddf Cymdeithasau Adeiladu 1986, yw ei bod wedi'i chofnodi yn ffeil gyhoeddus unrhyw gymdeithas adeiladu (o fewn ystyr y Ddeddf honno).

(2) Mae unrhyw gyfeiriad yn Rhannau 4 a 5 a'r Rhan hon o'r Atodlen hon at "yr awdurdod" yn gyfeiriad at y prif gyngor neu, yn ôl y galw, y pwyllgor neu'r is-bwyllgor y mae angen penderfynu a oes gwybodaeth yn eithriedig mewn perthynas â'i drafodion neu ddogfennau ac sy'n cynnwys cyfeiriad:-

- (a) yn achos prif gyngor, at unrhyw bwyllgor neu is-bwyllgor o'r cyngor; a
- (b) yn achos pwyllgor, at:-
 - (i) unrhyw brif gyngor cyfansoddol;
 - (ii) unrhyw brif gyngor arall trwy yr hwn y gwneir penodiadau i'r pwyllgor neu y cyflawnir ei swyddogaethau gan y pwyllgor; a
 - (iii) unrhyw bwyllgor neu is-bwyllgor arall o brif gyngor sy'n dod o fewn is-baragraff (i) neu (ii) uchod; ac
- (c) yn achos is-bwyllgor, at:-

- (i) y pwyllgor, neu unrhyw bwyllgor, y mae'n is-bwyllgor ohono; a
- (ii) unrhyw brif gyngor sy'n dod o fewn paragraff (b) uchod mewn perthynas â'r pwyllgor hwnnw".

11. GWAHARDD MYNEDIAD GAN Y CYHOEDD AT ADRODDIADAU

Os yw'r Swyddog Monitro yn meddwl bod hynny'n addas, gall y Cyngor wahardd mynediad gan y cyhoedd at adroddiadau sydd yn ei farn ef neu hi yn ymwneud ag eitemau y mae'r cyfarfod yn debygol, yn unol â Rheol 10, o beidio â bod ar agor i'r cyhoedd yn ystod cyfnod eu trafod. Nodir adroddiadau o'r fath fel rhai sydd "Ddim i'w cyhoeddi" ynghyd â'r categori o wybodaeth sy'n debygol o gael ei ddatgelu.

12. Y FLAENRAGLEN WAITH

12.1 Cyfnod y Flaenraglen Waith

Paratuir y flaenraglen waith gan y Prif Weithredwr ar gyfer cyfnod o un flwyddyn. Bydd yn cael ei diweddarau yn chwarterol.

12.2 Cynnwys y Flaenraglen Waith

Bydd y flaenraglen waith yn cynnwys materion y mae'r Cabinet, y Pwyllgorau Craffu a'r Cyngor llawn yn debygol o'u hystyried. Bydd yn cynnwys gwybodaeth ynghylch:

- (a) yr amserlen ar gyfer ystyried y gyllideb ac unrhyw gynlluniau sy'n ffurfio rhan o'r Gyllideb a'r Fframwaith Polisi ac y mae angen i'r Cyngor eu cymeradwyo, a pha gorff sydd i'w hystyried;
- (b) yr amserlen ar gyfer ystyried unrhyw gynlluniau sy'n gyfrifoldeb i'r weithrediaeth;
- (c) unrhyw faterion unigol y bwriada'r Cabinet ymgynghori yn eu cylch cyn gwneud penderfyniad, a'r amserlen ar gyfer ymgynghori a phenderfynu;
- (d) rhaglen waith y Pwyllgorau Craffu, i'r graddau y mae hynny'n hysbys.

Cyhoeddir y flaenraglen waith o leiaf 14 diwrnod cyn dechrau'r cyfnod yr ymdrinnir ag ef. Bydd y Prif Weithredwr hefyd yn cyhoeddi'r rhaglen ar wefan y Cyngor.

13. YMGYNGHORI YNGHYLCH CYNIGION SYDD I'W HYSTYRIED GAN Y CABINET

13.1 Dylid caniatáu o leiaf 4 wythnos yn amserlen y blaengynllun i ymgynghori gyda Phwyllgorau Craffu perthnasol ac aelodau wardiau lle bo mater i gael ei ystyried gan y weithrediaeth, a lle nad yw'n fater brys (fel y diffiniwyd isod) neu yn gyfrinachol neu yn eithriedig (fel y diffiniwyd ym mharagraff 10).

13.2 Gall mater gael ei ystyried yn un brys lle bo'r digwyddiadau y cyfeiria atynt yn rhai na ellid eu rhagweld ar adeg cynhyrchu'r flaenraglen waith ddiwethaf, ac mae angen penderfyniad o fewn 4 wythnos.

13.3 Ni all penderfyniad gael ei drin fel un brys oni bai fod y sawl sy'n gwneud y penderfyniad (os yw'n unigolyn) neu gadeirydd y corff sy'n gwneud y

penderfyniad yn cael cytundeb cadeirydd Pwyllgor Craffu perthnasol nad oes modd rhesymol i ohirio gwneud y penderfyniad. Os nad oes cadeirydd ar bwyllgor craffu perthnasol, neu os yw cadeirydd pob Pwyllgor Craffu perthnasol yn methu â gweithredu, yna bydd cytundeb Cadeirydd y Cyngor, neu yn ei (h)absenoldeb yr Is-Gadeirydd, yn ddigon. Bydd unrhyw benderfyniadau a gymerir o dan y weithdrefn frys hon yn cael eu cofnodi fel rhai a gymerwyd heb ymgynghori yn y cofnod penderfyniadau.

14. COFNOD O BENDERFYNIADAU'R WEITHREDIAETH

14.1 Y Cofnod o Benderfyniadau

Gwneir cofnod ysgrifenedig o bob penderfyniad gweithredol a wneir gan y Cabinet a'i bwyllgorau (os oes rhai) ac aelodau unigol, a chan bwyllgorau ar y cyd y mae eu holl aelodau yn aelodau o weithrediaeth awdurdod lleol.

Bydd y cofnod hwn o benderfyniadau yn cynnwys datganiad, ar gyfer pob penderfyniad, o'r canlynol:

- y penderfyniad a wnaed;
- dyddiad gwneud y penderfyniad;
- y rhesymau am y penderfyniad hwnnw;
- unrhyw ddatganiad o fuddiant personol;
- unrhyw ganiatâd i siarad a roddwyd gan Bwyllgor Safonau'r Awdurdod;
- yr ymgynghori a wnaed cyn y penderfyniad ac os na chynhaliwyd ymgynghoriad o'r fath, y rhesymau pam.

14.2 Paratoi'r Cofnod o Benderfyniadau

14.2.1 Bydd y Prif Weithredwr neu swyddog a ddynodir ganddo, wrth fynychu unrhyw gyfarfod o'r Cabinet neu, lle bo aelod unigol wedi gwneud penderfyniad gweithredol, yn cynhyrchu cofnod o'r penderfyniad, fel arfer o fewn tri diwrnod gwaith ar ôl y cyfarfod. Ni fydd y penderfyniad yn cael ei weithredu hyd nes bo'r cofnod o'r penderfyniad hwnnw wedi ei gynhyrchu, yn ddarostyngedig i baragraff 14.2.2 isod.

14.2.2 Lle bo'r dyddiad erbyn yr hwn y mae'n rhaid gweithredu penderfyniad gweithredol a wnaed gan aelod unigol yn peri bod cydymffurfio â 14.2.1 uchod yn anymarferol, gellir gweithredu'r penderfyniad os oes gan y sawl sy'n gwneud y penderfyniad gytundeb Cadeirydd y Pwyllgor Craffu perthnasol, neu os nad oes person o'r fath neu fod y person hwnnw yn methu â gweithredu, Cadeirydd y Cyngor, neu os nad oes Cadeirydd i'r pwyllgor craffu perthnasol neu'r Cyngor, Is-Gadeirydd y Cyngor, bod gwneud y cyfryw benderfyniad yn fater brys ac na ellir yn rhesymol ei ohirio.

15. PENDERFYNIADAU GAN AELOD UNIGOL O'R CABINET

15.1 Adroddiadau y Bwriedir Iddynt Gael eu Hystyried

Lle bo aelod unigol o'r Cabinet yn derbyn adroddiad y mae ef/hi yn bwriadu ei gymryd i ystyriaeth wrth wneud unrhyw benderfyniad, ni fydd ef/hi yn gwneud y penderfyniad tan o leiaf 3 diwrnod clir ar ôl derbyn yr adroddiad hwnnw.

15.2 Darparu Copiau o Adroddiadau i Bwyllgorau Craffu

Wrth roi adroddiad o'r fath i unigolyn sy'n gwneud penderfyniad, bydd y Prif Weithredwr yn rhoi copi ohono i Gadeirydd ac aelodau pob Pwyllgor Craffu perthnasol cyn gynted ag y bo'n rhesymol ymarferol, ac yn sicrhau ei fod ar gael yn gyhoeddus yr un pryd.

15.3 Cofnod o Benderfyniad Unigol

Bydd y rheolau ynghylch cofnodi penderfyniadau ym mharagraff 14 yn berthnasol.

16. MYNEDIAD AELODAU PWYLLGORAU CRAFFU AT DDOGFENNAU

16.1 Hawliau Mynediad

Yn ddarostyngedig i Reol 16.2 isod, bydd gan bwyllgor craffu hawl mynediad at unrhyw ddogfen sydd ym meddiant neu o dan reolaeth y Cabinet neu ei bwyllgorau ac sy'n cynnwys deunydd yn ymwneud ag:

- (a) unrhyw fusnes a drafodwyd mewn cyfarfod o'r Cabinet (neu ei bwyllgorau os oes rhai); neu
- (b) unrhyw benderfyniad a wnaed gan aelod unigol o'r Cabinet.

16.2 Cyfyngiad ar Hawliau

Ni fydd gan Bwyllgor Craffu hawl i unrhyw ran o ddogfen sy'n cynnwys:

gwybodaeth gyfrinachol neu eithriedig, neu gyngor a ddarparwyd gan ymgynghorydd neu gynorthwy-ydd gwleidyddol, oni bai fod y wybodaeth honno yn berthnasol i weithred neu benderfyniad sy'n cael ei adolygu neu ei archwilio neu unrhyw adolygiad a gynhwysir yn rhaglen waith y pwyllgor hwnnw.

17. HAWLIAU MYNEDIAD YCHWANEGOL AR GYFER AELODAU

17.1 Hawliau mynediad

Bydd gan bob aelod hawl i archwilio unrhyw ddogfen sydd ym meddiant neu o dan reolaeth y Cabinet neu ei bwyllgorau, os oes rhai, ac sy'n cynnwys deunydd yn ymwneud ag unrhyw fusnes a drafodwyd mewn cyfarfod o'r Cabinet neu gan aelod unigol o'r Cabinet.

17.2 Cyfyngiad ar Hawliau

Ni fydd gan aelod hawl i unrhyw ran o ddogfen lle byddai'n datgelu gwybodaeth eithriedig sy'n dod o fewn paragraffau 1 i 6, 9, 11, 12 ac 14 o Ran 1 Atodlen 12A i Ddeddf Llywodraeth Leol 1972, neu a fyddai'n datgelu cyngor ymgynghorydd neu gynorthwy-ydd gwleidyddol.

17.3 Natur Hawliau

Mae'r hawliau hyn sy'n perthyn i aelod yn ychwanegol at unrhyw hawl arall a all fod ganddo/ganddi.